

*Orationes ante et post Officium.*

**Oratio**

DICENDA ANTE DIVINUM OFFICIUM.

**A**PERI, Dómine, os meum ad benedicendum nomen sanctum tuum: munda quoque cor meum ab ómnibus vanis, perversis et aliénis cogitationibus: intellectum illumina, affectum inflámma, ut digne, attente ac devóte hoc Officium recitare váleam, et

exaudiri mérear ante conspéctum divinae Majestátis tuae. Per Christum Dómini nostrum.

*R.* Amen.

Dómine, in unióne illius divinae intentiónis qua ipse in terris laudes Deo persolvisti, has tibi Horas persólvo.

**Oratio**

DICENDA POST DIVINUM OFFICIUM.

*Orationem sequentem devóte post Officium recitantibus, Leo Papa X. defectus et culpas in eo persolvendo ex humana fragilitate contractas indulisit.*

**S**ACROSANCTAE et individuae Trinitati, crucifixi Dómini nostri Jesu Christi humanitati, beatissimae et gloriosissimae sempérque Virginis Mariae fecundae integritati, et ómnium Sanctorum universitati, sit sempiterna laus, honor, virtus et glória, ab omni creatúra, nobisque

remissio ómnium peccatorum per infinita saecula saeculorum. *R.* Amen.

*V.* Beata viscera Mariae Virginis, quae portaverunt aeterni Patris Filium. *R.* Et beata úbera quae lactaverunt Christum Dóminum.

Pater noster. Ave, María.



**Officia de Passione D. N. J. C.**

FERIA TERTIA  
POST DOMINICAM SEPTUAGESIMAE.

*Orationis D. N. J. C. in monte Oliveti. Duplex.*

*Pro Clero Urbis, et alibi.*

AD VESPERAS.

**A**TER noster. Ave María.

*V.* Deus, in adjutorium meum inténde. *R.* Dómine, ad adjuvandum me festína.

Glória Patri, et Filio, et Spiritui sancto: Sicut erat in principio, et nunc, et semper, et in saecula saeculorum. Amen.

Laus tibi, Dómine, Rex aeternae glóriae.

*Añã.* Venit Jesus cum discipulis suis in villam, quae dicitur Gethsémani, et dixit illis: Sedete hic, donec vadam illuc, et orem.

*Psalmus cix.*

**D**IXIT Dóminus Dómino meo: \* Sede a dextris meis:

Donec ponam inimicos tuos, \* scabellum pedum tuorum.

Virgam virtutis tuae emitet Dóminus ex Sion: \* dominare in medio inimicorum tuorum.

Tecum principium in die virtutis tuae in splendoribus sanctorum: \* ex itinere ante luciferum genui te.

Juravit Dñs, et non poenitèbit eum: \* Tu es sacerdos in aeternum secundum ordinem Melchisedech.

Dñs a dextris tuis, \* confregit in die irae suae reges.

Judicabit in nationibus, implebit ruinas: \* conquassabit capita in terra multorum.

De torrente in via bibet: \* propterea exaltabit caput.

Glória Patri, et Ffilio, \*  
et Spiritui sancto :

Sicut erat in principio, et  
nunc, et semper, \* et in  
saecula saeculorum. Amen.

**Antiphona.** Venit Jesus  
cum discipulis suis in vil-  
lam, quae dicitur Gethse-  
mani, et dixit illis : Sedete  
hic, donec vadam illuc, et  
orem.

**Añã.** Et assumpto Pe-  
tro, et duobus filiis Zebedaei,  
coepit contristari, et  
moestus esse.

**Psalmus cx.**

**C**ONFITEBOR tibi,  
Dómine, in toto cor-  
de meo : \* in consilio ju-  
stórum, et congregatióne.  
Magna ópera Dómini : \*  
exquisita in omnes volun-  
tates ejus.

Confessio et magnificén-  
tia, opus ejus : \* et justitia  
ejus manet in saeculum  
saeculi.

Memóriam fecit mirabí-  
lium suórum, miséricors et  
miserátor Dñus : \* escam  
dedit timéntibus se.

Memor erit in saeculum  
testaménti sui : \* virtutem  
óperum suórum annuntiá-  
bit pópulo suo :

Ut det illis haereditatem  
géntium : \* ópera mánuum  
ejus veritas, et judicium.

Fidélia omnia mandata  
ejus : confirmata in saecu-  
lum saeculi, \* facta in ve-  
ritate et aequitate.

Redemptiõnem misit pó-  
pulo suo : \* mandavit in  
aetérnum testaméntũ suum.

Sanctum, et terribile no-  
men ejus : \* intium sa-  
piéntiae timor Dómini.

Intelléctus bonus ómni-  
bus faciéntibus eum : \*  
laudatio ejus manet in sae-  
culum saeculi.

**Glória Patri, etc.**

**Añã.** Et assumpto Petro,  
et duobus filiis Zebedaei,  
coepit contristari, et  
moestus esse.

**Añã.** Tunc ait illis : Tri-  
stis est ánima mea usque  
ad mortem ; sustinete hic,  
et vigilate mecum.

**Psalmus cxí.**

**B**EATUS vir, qui ti-  
met Dóminum : \* in  
mandatis ejus volet nimis.

Potens in terra erit se-  
men ejus : \* generatio re-  
ctórum benedicetur.

Glória et divítiae in do-  
mo ejus : \* et justitia ejus  
manet in saeculum saeculi.

Exórtum est in ténebris  
lumen rectis : \* miséricors,  
et miserátor, et justus.

Jucundus homo, qui mi-  
seretur et commodat, dis-  
pónet sermões suos in  
judicio : \* quia in aetérnum  
non commovébitur.

In memoria aetérna erit  
justus : \* ab auditióne mala  
non timébit.

Parátum cor ejus sperare  
in Dómino, confirmátum

est cor ejus : \* non com-  
movébitur donec despiciat  
inimicos suos.

Dispérsit, dedit paupé-  
ribus : justitia ejus manet in  
saeculum saeculi, \* cornu  
ejus exaltábitur in glória.

Peccátor vidébit, et ira-  
scetur, déntibus suis fremet  
et tabescet : \* desiderium  
peccatórum peribit.

**Glória Patri, etc.**

**Añã.** Tunc ait illis : Tri-  
stis est ánima mea usque  
ad mortem ; sustinete hic,  
et vigilate mecum.

**Antiphona.** Et progrés-  
sus pusillum, prócidit in  
faciem suam, orans et di-  
cens : Pater mi, si possibile  
est, transeat a me calix  
iste.

**Psalmus cxii.**

**L**AUDATE púeri  
Dóminum : \* laudate  
nomen Dómini.

Sit nomen Dómini benedi-  
ctum, \* ex hoc nunc, et  
usque in saeculum.

A solis ortu usque ad  
occásam, \* laudabile no-  
men Dómini.

Excelsus super omnes  
gentes Dóminus, \* et super  
coelos glória ejus.

Quis sicut Dóminus Deus  
noster, qui in altis hábi-  
tat, \* et humilia respicit in  
coelo et in terra ?

Súscitans a terra ino-  
pém, \* et de stercore éri-  
gens páuperem :

Ut cólloquet eum cum  
principibus, \* cum princí-  
pibus pópuli sui.

Qui habitare facit stérilem  
in domo, \* matrem  
filiorum laetántem.

**Glória Patri, etc.**

**Añã.** Et progrésus pu-  
sillum, prócidit in faciem  
suam, orans et dicens :  
Pater mi, si possibile est,  
transeat a me calix iste.

**Añã.** Pater mi, si non po-  
test hic calix transire, nisi bi-  
bam illum, fiat volúntas tua.

**Psalmus cxiii.**

**L**AUDATE Dóminum  
omnes Gentes : \* lau-  
date eum omnes pópuli :

Quóniam confirmata est  
super nos misericórdia  
ejus : \* et veritas Dómini  
manet in aetérnum.

**Glória Patri, etc.**

**Añã.** Pater mi, si non po-  
test hic calix transire, nisi bi-  
bam illum, fiat volúntas tua.

**Capitulum.** *Matth. xxvi.*



**E**MIT Jesus ad  
discipulos suos,  
et invénit eos  
dormiéntes, et di-  
cit Petro : Sic non potuístis  
una hora vigilare mecum ?  
Vigilate, et orate, ut non  
intriéris in tentatiónem. **R.**  
Deo grátias.

**Hymnus.**

**A**DSPICE ut Verbum  
Patris a supérnis  
Sédibus, clemens et amó-  
re flagrans,

Pérditis culpa géntis mé-  
déri

Pergit Adámi.

**F**lébilem mundi mise-  
rans ruinam,  
Et volens nostros reparáre  
casus

Orat, et prona véniam pre-  
cátur

Fronte Magíster.

**F**lúctuat secum tot acér-  
ba volvens :

Húnc, ait supplex, cálicem  
dolóris,

Mi Pater, transfer; tua sed  
volúntas,

Non mea fiat.

**C**um prematt tristis pavor  
ima cordis,

Déficit languens Dóminus;  
per artus

Sánguinis sudor fluit, atque  
guttis

Terra madéscit.

At celer summo véniens  
Olympo

Angelus Jesumi récreat ja-  
céntem,

Córpore vires rédeunt, no-  
vóque

Róbre surgit.

Laus, honor Patri, geni-  
taeque Prolí

Cu datum nomen super  
omne nomen,

Et Paracéto decus atque  
virtus,

Omne per aevum.

Amen.

**V.** Tristis est ánima mea.

**R.** Usque ad mortem.

**Añ.** Pósitis gémbus orá-  
bat dicens : Pater, si vis,

transfer cálicem istum a  
me : verúntamen non mea  
volúntas, sed tua fiat.

**Canticum**

**Beatae Mariae Virginis.**

*Lucae i. e*

**Q**UAGNIFICAT \* áni-  
ma mea Dóminum :

Et exsultávit spíritus  
meus \* in Deo salutári meo.

Quia respéxit humilitá-  
tem ancíllae suae : \* ecce

enim ex hoc beatam me  
dicent omnes generatiónes.

Quia fecit mihi magna  
qui potens est : \* et sanctum  
nomen ejus.

Et misericórdia ejus a  
progénie in progénies \*  
timéntibus eum.

Fecit poténtiam in brá-  
chio suo : \* dispérsit supér-  
bos mente cordis sui.

Depósuit poténtes de se-  
de, \* et exaltávit húmiles.

Esuriéntes implévit bó-  
nis : \* et dívites dimísit  
inánes.

Suscépit Israél púerum  
suum, \* recordátus miseri-  
córdiae suae.

Sicut locútus est ad pa-  
tres nostros, \* Abraham, et  
sémini ejus in saecula.

Glória Patri, etc.

**Añ.** Pósitis gémbus orá-  
bat dicens : Pater, si vis,  
transfer cálicem istum a  
me : verúntamen non mea  
volúntas, sed tua fiat.

**V.** Dóminus vobíscum.

**R.** Et cum spíritu tuo.

Orémus. **Oratio.**

**D**OMINE Jesu Chri-  
ste, qui in horto,  
verbo et exémplo nos oráre  
docuisti ad tentatiónum  
perícula superánda : con-  
céde propítius; ut nos ora-  
tióni semper inténti, ejus  
copiósum fructum cónse-  
qui mereámur : Qui vivis  
et regnas cum Deo Patre in  
unitate Spíritus sancti  
Deus, per omnia saecula  
saeculórum. **R.** Amen.

**V.** Dóminus vobíscum.

**R.** Et cum spíritu tuo.

**V.** Benedicámus Dño.

**R.** Deo grátias.

**V.** Fidélium animae per  
misericórdiam Dei requié-  
scant in pace.

**R.** Amen.

**AD COMPLETORIUM.**

**Lector incipit :** **V.** Jube,  
domne, benedicere. **Bened.**  
Noctem quiétam, et finem  
perféctum concédát nobis  
Dóminus omnipotens. **R.**  
Amen.

**Lectio brevis. i. Petr. v. c**



**RATRES :** Sóbrii  
estóte et vigiláte :  
quia adversárius  
vester diabólus,  
tamquam leo rúgiens, cir-  
cuit, quaerens quem devo-  
ret : cui resistite fortes in  
fide. Tu autem, Dómine,  
miserére nobis. **R.** Deo  
grátias.

**V.** Adjutórium nostrum  
in nómine Dómini. **R.** Qui  
fecit coelum et terram.

Pater noster dicitur to-  
tum secreto.

Deinde Hebdomadarius  
facit Confessionem.

**C**ONFITEOR Deo  
omnipoténti, beatae  
Mariae semper Virgini,  
beato Michaéli Archángelo,  
beato Joánni Baptistae,  
sanctis Apóstolis Petro et  
Paulo, ómnibus Sanctis, et  
vobis fratres : quia peccávi  
nimis cogitatióne, verbo et  
ópere : mea culpa, mea culpa,  
mea máxima culpa.  
Ideo precor beatam Mariam  
semper Virginem, beatum  
Michaelem Archángelum,  
beatum Joánnem Baptistam,  
sanctos Apóstolos Petrum  
et Paulum, omnes Sanctos,  
et vos fratres, oráre pro me  
ad Dñum Deum nostrum.

**Chorus respondet :**

**M**ISEREATUR tui  
omnipotens Deus, et  
dimíssis peccátis tuis, per-  
ducát te ad vitam aetér-  
nam. **R.** Amen.

Deinde repetit Confes-  
sionem, et ubi dicitur vo-  
bis fratres, et vos fratres,  
dicatur tibi Pater, et te  
Pater.

Facta Confessione a Cho-  
ro, Hebdomadarius dicit :

**M**ISEREATUR vestri  
omnipotens Deus,  
et dimíssis peccátis vestris,

perducatur vos ad vitam aeternam. *R.* Amen.

**I**NDULGENTIAM, absolutiōnem, et remissionem peccatorum nostrorum tribuat nobis omnipotens et misericors Dñus. *R.* Amen.

*Et facta Absolutione.*  
dicitur *V.* Converterte nos, Deus salutaris noster. *R.*  
Et averte iram tuam a nobis.

*V.* Deus, in adiutorium meum intende. *R.* Dñe, ad adiuvandum me festina.  
Gloria Patri, etc.

Antiphona. Miserere.

Psalmus iv.

**Q**UM invocarem exaudivit me Deus iustitiae meae: \* in tribulatione dilatasti mihi.

Miserere mei, \* et exaudi orationem meam.

Filii hominum usquequo gravi corde? \* ut quid diligentis vanitatem, et quaeritis mendacium?

Et scitote quoniam mirificavit Dominus sanctum suum: \* Dominus exaudiet me cum clamavero ad eum.

Irascerimini, et nolite peccare: \* quae dicitis in cordibus vestris, in cubilibus vestris compungimini.

Sacrificate sacrificium iustitiae, et sperate in Dño. \* Multi dicunt: Quis ostendit nobis bona?

Signatum est super nos lumen vultus tui, Domine: \* dedisti laetitiam in corde meo.

A fructu frumenti, vini, et olei sui \* multiplicati sunt.

In pace in idipsum \* dormiam, et requiescam;

Quoniam tu, Domine, singulariter in spe \* constituisti me.

Gloria Patri, etc.

Psalmus xxx.

**I**N te, Domine, speravi, non confundar in aeternum: \* in iustitia tua libera me.

Inclina ad me aurem tuam, \* accelera ut eruas me.

Esto mihi in Deum protectorem: et in domum refugii, \* ut salvum me facias.

Quoniam fortitudo mea, et refugium meum es tu: \* et propter nomen tuum deduces me, et enutries me.

Educes me de laqueo hoc, quem absconderunt mihi: \* quoniam tu es protector meus.

In manus tuas commendo spiritum meum: \* redemisti me, Domine Deus veritatis.

Gloria Patri, etc.

Psalmus xc.

**Q**UI habitat in adiutorio Altissimi, \* in protectione Dei coeli commorabitur.

Dicit Domino: Susceptor meus es tu, et refugium meum: \* Deus meus sperabo in eum.

Quoniam ipse liberavit me de laqueo venantium, \* et a verbo aspero.

Scapulis suis obumbrabit tibi: \* et sub pennis ejus sperabis.

Scuto circumdabit te veritas ejus: \* non timebis a timore nocturno,

A sagitta volante in die, a negotio perambulante in tenebris: \* ab incursu, et daemone meridiano.

Cadent a latere tuo mille, et decem millia a dextris tuis: \* ad te autem non appropinquabit.

Verumtamen oculis tuis considerabis: \* et retributionem peccatorum videbis.

Quoniam tu es, Domine, spes mea: \* altissimum posuisti refugium tuum.

Non accedet ad te malum: \* et flagellum non appropinquabit tabernaculo tuo.

Quoniam Angelis suis mandavit de te: \* ut custodiant te in omnibus viis tuis.

In manibus portabunt te: \* ne forte offendas ad lapidem pedem tuum.

Super aspidem, et basiliscum ambulabis: \* et conculcabis leonem et draconem.

Quoniam in me speravit, liberabo eum: \* protegam eum, quoniam cognovit nomen meum.

Clamabit ad me, et ego exaudiam eum: \* cum ipso sum in tribulatione: eripiam eum et glorificabo eum.

Longitudine dierum replebo eum: \* et ostendam illi salutarem meum.

Gloria Patri, etc.

Psalmus cxxxiii.

**E**CCE nunc benedicite Dominum, \* omnes servi Domini:

Qui statis in domo Domini, \* in atriis domus Dei nostri,

In noctibus extollite manus vestras in sancta, \* et benedicite Dominum.

Benedicat te Dominus ex Sion, \* qui fecit coelum et terram.

Gloria Patri, etc.

*Añ.* Miserere mihi, Dñe, et exaudi orationem meam.

Hymnus.

**T**E lucis ante terminum,

Rerum Creator, poscimus, Ut pro tua clementia Sis praesul et custodia.

Procul recedant somnia, Et noctium phantasmata; Hostemque nostrum com-

prime, Ne polluantur corpora.

Praesta, Pater piissime, Patrique compar Unice,

Cum Spiritu Paráclito,  
Regnans per omne saeculum. Amen.

*Capitulum. Jerem. xiv. b*

**T**U autem in nobis es,  
Dñe, et nomen sanctum  
tuum invocatum est  
super nos, ne derelinquas  
nos, Dómine Deus noster.

*R. Deo grátias.*

*R. br.* In manus tuas,  
Dómine, \* Comméndo spí-  
ritum meum. In manus.  
V. Redemísti nos, Dómine  
Deus veritátis. Commén-  
do. Glória Patri. In ma-  
nus tuas.

V. Custódi nos, Dñe, ut  
pupíllam óculi. *R. Sub*  
*umbra alárúm tuárum pró-*  
*tege nos.*

*Añs. Salva nos.*

*Canticum Simeonis.*

*Luce ii. e*

**N**UNC dimittis servum  
tuum, Dómine, \* se-  
cúndum verbum tuum in  
pace :

Quia viderunt óculi mei \*  
salutare tuum,

Quod parásti \* ante  
faciem ómnium populó-  
rum.

Lumen ad revelatiónem  
géntium, \* et glóriam plebis  
tuae Israël,

Glória Patri, etc.

*Añs.* Salva nos, Dómine,  
vigilántes, custódi nos dor-  
miéntes : ut vigilémus cum  
Christo, et requiescámus in  
pace.

V. Dóminus vobiscum.  
*R. Et cum spiritu tuo.*

*Oratio.*

**V**ISITA, quaesumus  
Dñe, habitatiónem  
istam, et omnes insídias  
inimici ab ea longe repélle :  
Angeli tui sancti hábitent  
in ea, qui nos in pace cus-  
tódiant : et benedictio tua  
sit super nos semper. Per  
Dóminum nostrum Jesum  
Christum Filium tuum : qui  
tecum vivit et regnat in  
unitate Spíritus sancti Deus,  
per ómnia saecula saeculó-  
rum. *R. Amen.*

V. Dóminus vobiscum.  
*R. Et cum spíritu tuo.*

V. Benedicámus Dño.  
*R. Deo grátias.*

Bened. Benedicat et cus-  
tódiant nos omnipotens et  
miséricors Dóminus, Pater,  
et Filius, et Spiritus san-  
ctus. *R. Amen.*

Et non dicitur Fidélium  
ánimae : sed immediatè di-  
citur una ex infrascriptis  
Antiphonis pro tempore.

A primis Vesperis Nati-  
vitatís usque ad Purifica-  
tionem inclusive, *Añs.*

**A**LMA Redemptóris  
Mater, quae pèrvia  
coeli

Porta manes, et stella mar-  
ris, succurre cadénti,  
Súrgere qui curat, pópulo,  
tu quae genuisti,  
Natura mirante, tuum san-  
ctum Genitórem,

Virgo prius ac postérius,  
Gabriélis ab ore  
Sumens illud Ave, pecca-  
tórum miserere.

V. Post partum, Virgo,  
inviolata permansisti. *R.*  
Dei Génitrix, intercède pro  
nobis.

*Oratio.*

**D**EUS, qui salúti  
aetérnae, beatae Ma-  
riae virginitate foecúnda,  
humano géneri praemia  
praestitisti : tribue quaesu-  
mus, ut ipsam pro nobis  
intercédere sentiamus, per  
quam meruimus auctórem  
vitae suscipere Dóminum  
nostrum Jesum Christum  
Filium tuum. *R. Amen.*

Post Purificationem, id  
est, a fine Completorii illius  
diei secundae Februarii in-  
clusive, Antiphona.

**A**VE, Reginae coeló-  
rum,

Ave, Dómina Angelórum :  
Salve radix, salve porta,  
Ex qua mundo lux est orta.

Gaude, Virgo gloriósa,  
Super omnes speciósa :  
Vale, o valde decóra,  
Et pro nobis Christum  
exóra.

V. Dignare me laudare  
te, Virgo sacrata. *R.* Da  
mihi virtutem contra hostes  
tuos.

*Oratio.*

**C**ONCEDE, miséri-  
cors Deus, fragilitati  
nostrae praesídium : ut qui

sanctae Dei Genitricis me-  
móriam ágimus, interces-  
siónis ejus auxilio, a nostris  
iniquitatibus resurgamus.  
Per eúndem Christum Dó-  
minum nostrum. *R.*  
Amen.

V. Divinum auxili-  
um maneat semper nobiscum.  
*R. Amen.*

Deinde dicitur secreto :  
Pater noster, Ave Maria, et  
Credo.

AD MATUTINUM.

Pater noster. Ave Ma-  
ria. Credo, secreto.

Deinde clara voce dici-  
tur : V. Dómine, lábia mea  
aperies. *R.* Et os meum  
annuntiábit laudem tuam.

V. Deus, in adjutórium  
meum inténde. *R.* Dñe,  
ad adjuvándum me festína.

Glória Patri, et Filio, et  
Spíritui sancto : Sicut erat  
in principio, et nunc, et  
semper, et in saecula sae-  
culórum. Amen. Laus  
tibi, Dómine, Rex aetérnae  
glóriae.

Invitat. Christum Jesum  
in monte Olivárum orán-  
tem, \* Venite, adorémus.

Repetitur : Christum Je-  
sum in monte Olivárum  
orántem, venite adorémus.

Psalmus xev.

**V**ENITE, exsul-  
témus Dómino, jubilé-  
mus Deo  
salutári nostro :  
praecoccupémus faciem ejus



in confessione, et in psalmis jubilemus ei.

Christum Jesum in monte Olivarum orantem, venite adoramus.

Quoniam Deus magnus Dominus, et Rex magnus super omnes deos: quoniam non repellit Dominus plebem suam, quia in manu ejus sunt omnes fines terrae, et altitudines montium ipse conspiciat.

Venite adoramus.

Quoniam ipse est mare, et ipse fecit illud, et aridam fundaverunt manus ejus: venite, adoramus, et prociadamus ante Deum: ploramus coram Domino, qui fecit nos, quia ipse est Dominus Deus noster: nos autem populus ejus, et oves pascuae ejus.

Christum Jesum in monte Olivarum orantem, venite adoramus.

Hodie si vocem ejus audieritis, nolite obdurare corda vestra, sicut in exacerbatione secundum diem tentationis in deserto: ubi tentaverunt me patres vestri, probaverunt et viderunt opera mea.

Venite adoramus.

Quadragesima annis proximus fui generationi huic, et dixi: semper hi errant corde: ipsi vero non cognoverunt vias meas, quibus juravi in ira mea, si introibunt in requiem meam.

Christum Jesum in monte Olivarum orantem, venite adoramus.

Gloria Patri, et Filio, et Spiritui sancto: Sicut erat in principio, et nunc, et semper, et in saecula saeculorum. Amen.

Venite adoramus.

Christum Jesum in monte Olivarum orantem, venite adoramus.

*Hymnus. Adspice, ut supra. 3.*

*In primo Nocturno.*

*Añã.* Ante orationem praepra animam tuam, et noli esse quasi homo, qui tentat Deum.

*Psalmus xvi.*



**S** X A U D I, Domine, justitiam meam: \* intende deprecationem meam.

Auribus percipe orationem meam, \* non in labiis dolosis.

De vultu tuo iudicium meum prodeat: \* oculi tui videant aequitates.

Probasti cor meum, et visitasti nocte: \* igne me examinasti, et non est inventa in me iniquitas.

Ut non loquatur os meum opera hominum: \* propter verba labiorum tuorum ego custodivi vias duras.

Percipe gressus meos in semitis tuis: \* ut non moveantur vestigia mea.

Ego clamavi, quoniam exaudisti me, Deus: \* inclina aurem tuam mihi, et exaudi verba mea.

Mirifica misericordias tuas, \* qui salvos facis sperantes in te.

A resistentibus dexterae tuae custodi me, \* ut pupillam oculi.

Sub umbra alarum tuarum protegeme: \* a facie impiorum qui me affixerunt.

Inimici mei animam meam circumdederunt, adipesum suum concluserunt: \* os eorum locutum est superbiam.

Projicientes me nunc circumdederunt me: \* oculos suos statuerunt declinare in terram.

Susceperunt me sicut leo paratus ad praedam: \* et sicut catus leonis habitans in abditis.

Exsurge, Domine, praeveni eum, et supplanta eum: \* eripe animam meam ab impio, frameam tuam ab inimicis manus tuae.

Domine, a paucis de terra divide eos in vita eorum: \* de absconditis tuis adimpletus est venter eorum.

Saturati sunt filii: \* et dimiserunt reliquias suas parvulis suis.

Ego autem in justitia apparebo conspectui tuo: \* satiabor cum apparierit gloria tua.

Gloria Patri, etc.

*Añã.* Ante orationem praepra animam tuam, et noli esse quasi homo qui tentat Deum.

*Añã.* Non impediaris orare semper, et ne verearis usque ad mortem justificari.

*Psalmus xxvii.*

**A** D te, Domine, clamabo; Deus meus, ne sileas a me: \* nequando taceas a me, et assimilabor descendentibus in lacum.

Exaudi, Domine, vocem deprecationis meae dum oro ad te: \* dum extollo manus meas ad templum sanctum tuum.

Ne simul trahas me cum peccatoribus: \* et cum operantibus iniquitatem ne perdas me.

Qui loquuntur pacem cum proximo suo, \* mala autem in cordibus eorum.

Da illis secundum opera eorum, \* et secundum nequitiam adinventioinum ipsorum.

Secundum opera manuum eorum tribue illis: \* redde retributionem eorum ipsi.

Quoniam non intellexerunt opera Domini, et in opera manuum ejus \* destrues illos, et non aedificabis eos.

Benedictus Dominus: \* quoniam exaudivit vocem deprecationis meae.

Dóminus adjutor meus, et protector meus : \* in ipso sperávit cor meum, et adjutus sum.

Et refloruit caro mea : \* et ex voluntate mea confitebor ei.

Dóminus fortitudo plebis suae, \* et protector saluationum Christi sui est.

Salvum fac populum tuum, Dómine, et benedic haereditati tuae : \* et rege eos, et extolle illos usque in aeternum.

Glória Patri, etc.

*Añs.* Non impediáris orare semper, et ne vereáris usque ad mortem justificári.

*Añs.* Omnia quaecúmque petieritis in oratione credentes, accipiétis.

*Psalmus cxli.*

**U**OCE mea ad Dóminum clamávi : \* voce mea ad Dóminum deprecatus sum :

Effúndo in conspéctu ejus orationem meam, \* et tribulationem meam ante ipsum pronúntio.

In deficiéndo ex me spíritum meum, \* et tu cognovisti sémitas meas.

In via hac, quae ambulabam, \* abscondérunt láqueum mihi.

Considerábam ad dexteram, et vidébam : \* et non erat qui cognósceret mé.

Péruit fuga a me, \* et non est qui requirat animam meam.

Clamávi ad te, Dómine, \* dixi : Tu es spes mea, portio mea in terra vivéntium.

Inténde ad deprecationem meam : \* quia humiliatus sum nimis.

Libera me a persecúntibus me : \* quia confortati sunt super me.

Educ de custódia animam meam ad confiténdum nómini tuo : \* me expéctant justí, donec retribuas mihi.

Glória Patri, etc.

*Añs.* Omnia quaecúmque petieritis in oratione credentes, accipiétis.

*℣.* Tristis est anima mea. *℟.* Usque ad mortem.

Pater noster *secreto usque ad ℣.* Et ne nos inducas in tentationem. *℟.* Sed libera nos a malo.

*Absolutio.*

**E**XAUDI, Dñe Jesu Christe, preces servorum tuorum, et miserere nobis, qui cum Patre et Spiritu sancto vivis et regnas in saecula saeculorum. *℟.* Amen.

*℣.* Jube, domne, benedicere.

*Benedictio.* Benedictio-nem perpétua benedícat nos Pater aeternus. *℟.* Amen.

De libro Tobiae.

*Lectio i. Cap. xii.*



**M**ONA est oratio cum jejúnio, et eleemósyna magis quam thesáuros auri recóndere : quóniam eleemósyna a morte liberat, et ipsa est quae purgat peccáta, et facit invenire misericórdiam, et vitam aeternam. Qui autem faciunt peccátum et iniquitatem, hostes sunt animae suae. Manifesto ergo vobis veritatem, et non abscondam a vobis occultum sermónem. Quando orábas cum lacrymis, et sepeliébas mórtuos, et derelinquébas prándium tuum, et mórtuos abscondébas per diem in domo tua, et nocte sepeliébas eos, ego obtuli orationem tuam Dómino. Et quia acceptus eras Deo, necesse fuit ut tentatio probáret te. Tu autem, Dómine, miserere nobis. *℟.* Deo grátias.

*℟.* In ómnibus grátias ágite : \* Sine intermissione oráte. *℣.* Haec est enim voluntas Dei in Christo Jesu in ómnibus vobis. — Sine intermissione oráte. *℣.* Jube, domne, benedicere. *Bened.* Unigénitus Dei Filius nos benedicere et adjuvare dignétur. *℟.* Amen.

De Epístola beáti Jacóbi Apóstoli.

*Lectio ii. Cap. v.*

**O**RATE pro invicem, ut salvemini : multum enim valet deprecatio justí assídua. Elias homo erat similis nobis passibilis, et oratione orávit, ut non plueret super terram, et non pluit annos tres et menses sex. Et rursus orávit, et coelum dedit plúviam, et terra dedit fructum suum. Fratres mei, si quis ex vobis erráverit in veritate, et converterit quis eum, scire debet quóniam qui converti fécerit peccatórem ab errore viae suae, salvábit animam ejus a morte, et operiet multitudinem peccatórum. Tu autem, Dómine, miserere nobis. *℟.* Deo grátias.

*℟.* Cum stábitis ad orándum, \* Dimittite si quid habéatis advérsus áliquem. *℣.* Ut et Pater vester, qui in coelis est, dimittat vobis peccáta vestra. — Dimittite. *℣.* Jube, domne, benedicere. *Benedictio.* Spíritus sancti grátia illúminet sensus et corda nostra. *℟.* Amen.

De Epístola beáti Pauli Apóstoli ad Hebraeos.

*Lectio iii. Cap. v.*

**C**HRISTUS non semetipsum clarificávit, ut Póntifex flieret, sed qui

locutus est ad eum : Filius meus es tu, ego hodie genui te. Quemadmodum et in alio loco dicit : Tu es Sacerdos in aeternum secundum ordinem Melchisedech. Qui in diebus carnis suae preces, supplicationesque ad eum, qui possit illum salvum facere a morte, cum clamore valido et lacrymis offerens, exauditus est pro sua reverentia. Et quidem cum esset Filius Dei, didicit ex iis quae passus est, obedientiam; et consummatus, factus est omnibus obtemperantibus sibi causa salutis aeternae, appellatus a Deo Pontifex juxta ordinem Melchisedech. Tu autem, Domine, miserere nobis. *R.* Deo gratias.

*R.* Exaudivit Dominus deprecationem meam : Dominus orationem meam suscepit. *V.* Clamavi in toto corde meo, exaudi me, Domine. — Dominus orationem meam suscepit. Gloria Patri, et Filio, et Spiritui sancto. Dominus orationem meam suscepit.

*In secundo Nocturno.*

*Añ.* Cum oratis non eritis sicut hypocritae, qui amant in synagogis, et in angulis platearum stantes orare, ut videantur ab hominibus.

*Psalmus xlii.*



**A**UDICA me, Deus, et discerne causam meam de gente non sancta, \* ab homine iniquo, et doloso erue me.

Quia tu es, Deus, fortitudo mea : \* quare me reputasti? et quare tristis incedo, dum affligit me inimicus?

Emitte lucem tuam et veritatem tuam : \* ipsa me deduxerunt, et adduxerunt in montem sanctum tuum, et in tabernacula tua.

Et introibo ad altare Dei : \* ad Deum, qui lactificat juventutem meam.

Confitebor tibi in cithara, Deus Deus meus : \* quare tristis es anima mea? et quare conturbas me?

Spera in Deo, quoniam adhuc confitebor illi : \* salutare vultus mei, et Deus meus.

Gloria Patri, etc.

*Añ.* Cum oratis, non eritis sicut hypocritae, qui amant in synagogis, et in angulis platearum stantes orare, ut videantur ab hominibus.

*Añ.* Tu autem, cum oraveris, intra in cubiculum tuum, et clauso ostio, ora Patrem tuum in abscondito.

*Psalmus lxiii.*

**E**XAUDI, Deus, orationem meam cum deprecor : \* a timore inimici eripe animam meam.

Protexisti me a conventu malignantium : \* a multitudinem operantium iniquitatem.

Quia exacerunt ut gladium linguas suas : \* intenderunt arcum rem amaram, ut sagittent in occultis immaculatum.

Subito sagittabunt eum, et non timebunt : \* firmaverunt sibi sermones nequam.

Narraverunt ut absconderent laqueos : \* dixerunt : Quis videbit eos?

Scrutati sunt iniquitates : \* defecerunt scrutantes scrutatio.

Accedet homo ad cor altum : \* et exaltabitur Deus.

Sagittae parvulorum factae sunt plagae eorum : \* et infirmatae sunt contra eos linguae eorum.

Conturbati sunt omnes qui videbant eos : \* et timuit omnis homo.

Et annuntiaverunt opera Dei : \* et facta ejus intellexerunt.

Laetabitur justus in Domino, et sperabit in eo, \* et laudabuntur omnes recti corde.

Gloria Patri, etc.

*Añ.* Tu autem, cum oraveris, intra in cubiculum tuum, et clauso ostio, ora Patrem tuum in abscondito.

*Añ.* Factum est autem in illis diebus, exiit Jesus in

montem orare, et erat pernoctans in oratione Dei.

*Psalmus cxx.*

**L**EVAVI oculos meos in montes, \* unde veniet auxilium mihi.

Auxilium meum a Domino, \* qui fecit coelum et terram.

Non det in commotionem pedem tuum : \* neque dormitet qui custodit te.

Ecce non dormitabit, neque dormiet, \* qui custodit Israel.

Dominus custodit te, Dominus protectio tua, \* super manum dexteram tuam.

Per diem sol non uret te : \* neque luna per noctem.

Dominus custodit te ab omni malo : \* custodiat animam tuam Dominus.

Dñs custodiat introitum tuum, et exitum tuum : \* ex hoc nunc, et usque in saeculum.

Gloria Patri, etc.

*Antiphona.* Factum est autem in illis diebus, exiit Jesus in montem orare, et erat pernoctans in oratione Dei.

*V.* Pater mi, si possibile est. *R.* Transeat a me calix iste.

Pater noster.

*Absolutio.*

**I**PSIUS pietas et misericordia nos adjuvet, qui cum Patre et Spiritu



sancto vivit et regnat in saecula saeculorum. *R.* Amen.

*V.* Jube, domne, benedicere.

*Bened.* Deus Pater omnipotens sit nobis propitius et clemens. *R.* Amen.

Ex Tractatu S. Cypriani Episcopi et Martyris.

*De Oratione Dominica.*

*Lectio iv.*



**M**EC verbis tantum, sed et factis Dñs orare nos docuit, ipse orans frequenter et deprecans, et quid facere nos oporteret exempli sui contestatione demonstrans, sicut scriptum est: Ipse autem fuit secedens in solitudinem, et adorans. Et iterum: Exiit in montem orare, et fuit pernocians in oratione Dei. Quod si ille orabat, qui sine peccato erat, quanto magis peccatores oportet orare? Et si ille per totam noctem jugiter vigilans continuis precibus orabat, quanto magis in frequentanda oratione debemus nocte vigilare? Orabat autem Dñs et rogabat non pro se: quid enim pro se innocens precaretur? Sed pro delictis nostris, sicut et ipse declaravit, cum dicit ad Petrum: Ecce Sathanas expetivit, ut vos vexaret quomodo triticum: ego autem rogavi

pro te, ne deficiat fides tua. Et postmodum pro omnibus Patrem deprecatur, dicens: Non pro his autem rogo solis, sed et pro illis, qui credituri sunt per verbum ipsorum in me, ut omnes unum sint, sicut tu, Pater, in me, et ego in te, ut et ipsi in nobis unum sint. Tu autem.

*R.* Simon, Simon, ecce Sathanas expetivit vos, ut cribraret sicut triticum: \* Ego autem rogavi pro te, ut non deficiat fides tua. *V.* Et tu aliquando conversus, confirma fratres tuos. Ego autem. *V.* Jube, domne, benedicere. *Bened.* Christus perpetuae det nobis gaudia vitae.

Ex Commentariis sancti Anselmi Episcopi.  
*In Epist. ad Hebraeos.*

*Lectio v. Cap. v.*

**S**ICUT verus Pontifex obtulit preces: nam in Evangelio saepe legitur orasse, et maxime apud Lucam, qui Sacerdotis in eo descripsit personam. Sed et quidquid ipse egit in carne, preces, et supplicationes fuerunt pro hominibus. Tota vita sua Patrem oravit de resurrectione carnis suae, ac de nostra salute, et instante jam passione obtulit supplicationes, idest humillimas, et instantissimas orationes cum

summa devotione cordis, et affectione, quando factus in agonia prolixius orabat et factus est sudor ejus, sicut guttae sanguinis decurrentis in terram. Et has preces, supplicationesque obtulit, idest obviam tulit Patri per exauditionem sibi obvianti. Obtulit eas ad eum, qui posset illum a morte salvum facere, idest resuscitare, ad eum, quem scivit esse sufficientem ut salvaret eum, idest immortalem et impassibilem faceret, eripiendo a morte; ut nec anima remaneret in inferno, nec caro putresceret in sepulchro. Tu autem.

*R.* Oratio humiliantis se nubes penetrabit: \* Et donec propinquet, non consolabitur. *V.* Et non discedet donec Altissimus adspiciat. — Et donec. *V.* Jube, domne, benedicere. *Bened.* Ignem sui amoris accendat Deus in cordibus nostris.

*Lectio vi.*

**E**T obtulit has cum clamore valido, id est, cum intentione pie devotionis vehementissima et efficacissima, ut quando prolixius orabat, et etiam cum lacrymis, quia in illa prolixa oratione credendus est lacrymas effudisse, cum et guttae sanguinis pro sudore decurrerent ab ejus corpore, et exauditus est,

quia quod quaesierat accepit in resurrectione. Exauditus est, id est, extra numerum aliorum omnium auditus est, quoniam super omnem creaturam, post laborem sui militiam, a Patre sublimatus est, et hoc pro sui reverentia, id est secundum hoc, quod ipse sicut Dei Filius dignus est reverentia et veneratione. Vel pro sua reverentia in Deum, id est propter quod ipse super omnia Patrem reveritus est, et honoravit. Sive pro sua reverentia, id est sicut sua religio meruit. Sanguinis quoque ejus effusio potest intelligi clamor validus, in quo exauditus est pro reverentia ejusdem passionis. Reverentia est, quod sine peccato passus est sola charitate. Tu autem.

*R.* Fiant aures tuae auscultantes, et oculi tui aperti, \* Ut audias orationem servi tui. *V.* Quam ego oro coram te hodie, nocte ac die. — Ut audias. Gloria Patri. Ut audias.

*In tertio Nocturno.*

*Añs.* Tribulatio et angustia invenerunt me, mandata tua menditatio mea est.

*Psalmus iii.*

**D**OMINE, quid multiplicati sunt qui tribulant me? \* multi insurgunt adversum me.

Multi dicunt animae meae : \* Non est salus ipsi in Deo ejus.

Tu autem, Dñe, susceptor meus es, \* glória mea, et exaltans caput meum.

Voce mea ad Dóminum clamávi : \* et exaudivit me de monte sancto suo.

Ego dormívi, et soporatus sum : \* et exsurrexi, quia Dóminus suscepit me.

Non timebo millia pópuli circumdántis me : \* exsúrge, Dómine, salvum me fac, Deus meus.

Quóniam tu percussisti omnes adversántes mihi sine causa : \* dentes peccatorum contrivisti.

Dómini est salus : \* et super pópulum tuum benedictio tua.

Glória Patri, etc.

**Antiphona.** Tribulatio et angústia invenérunt me, mandata tua meditatio mea est.

**Añ.** Sustinui qui simul contristarétur, et non fuit, et qui consolaretur, et non invéni.

**Psalmus xii.**

**USQUEQUO,** Dñe, oblivisceris me in finem? \* Usquequo avértis faciém tuam a me?

Quám diu ponam consilia in ánima mea, \* dolérem in corde meo per diem?

Usquequo exaltábitur inimicus meus super me? \*

réspice, et exáudi me, Dómine Deus meus.

Illúmina óculos meos, ne unquam obdormiam in morte : \* nequándo dicat inimicus meus : Praeválui adversus eum.

Qui tribulant me, exsultábunt si motus fuero : \* ego autem in misericórdia tua sperávi.

Exsultábit cor meum in salutári tuo : cantábo Dño qui bona tribuit mihi : \* et psallam nómini Dómini altíssimi.

Glória Patri, etc.

**Añ.** Sustinui qui simul contristarétur, et non fuit, et qui consolaretur, et non invéni.

**Antiphona.** Adhaesit pavimento ánima mea, vivifica me secundum verbum tuum.

**Psalmus lxxvii.**

**DOMINE** Deus salutis meae : \* in die clamávi, et nocte coram te.

Intret in conspéctu tuo oratio mea : \* inclina aurem tuam ad precem meam :

Quia repléta est malis ánima mea : \* et vita mea inférno appropinquávit.

Aestimatus sum cum descendéntibus in lacum : \* factus sum sicut homo sine adjutório, inter mórtuos liber.

Sicut vulneráti dormiéntes in sepúlchris, quorum

non es memor amplius : \* et ipsi de manu tua repúlsi sunt.

Posuerunt me in lacu inferióri : \* in tenobrosis, et in umbra mortis.

Super me confirmátus est furor tuus : \* et omnes fluctus tuos induxisti super me.

Longe fecisti notos meos a me : \* posuerunt me abominatióne sibi.

Tráditus sum, et non egrediébar : \* óculi mei languerunt prae inópia.

Clamávi ad te, Dómine, tota die : \* expándi ad te manus meas.

Numquid mórtuis faciés mirabilia : \* aut médici suscitábunt, et confitebúntur tibi?

Numquid narrábit aliquis in sepúlchro misericórdiam tuam, \* et veritatem tuam in perditioe?

Numquid cognoscéntur in ténébris mirabilia tua : \* et justitia tua in terra obliviónis?

Et ego ad te, Dómine, clamávi : \* et mane oratio mea praevéniet te.

Ut quid, Dómine, repéllis oratióne meam : \* avértis faciém tuam a me?

Pauper sum ego, et in laboribus a juventute mea : \* exaltatus autem, humiliátus sum et conturbátus.

In me transierunt irae tuae : \* et terróres tui conturbavérunt me.

Circumdedérunt me sicut aqua tota die : \* circumdedérunt me simul.

Elongásti a me amicum et próximum : \* et notos meos a miséria.

Glória Patri, etc.

**Antiphona.** Adhaesit pavimento ánima mea, vivifica me secundum verbum tuum.

**V.** Vigilate et orate. **R.** Ut non intrétis in tentatióne.

Pater noster.

**Absolutio.**

**A** VINCULIS peccatorum nostrórum absólva nos omnipotens et misericors Dñus. **R.** Amen.

**V.** Jube, domne, benedicere. **Bened.** Evangélica lectio sit nobis salus et protectio. **R.** Amen.

Lectio sancti Evangelii secundum Lucam.

**Lectio vii. Cap. xxii.**

**I**n illo tempore : Egressus Jesus ibat secundum consuetudinem in montem Olivárum. Secuti sunt autem illum et discipuli. Et reliqua.

Homilia sancti Ambrósii Episcopi.

**L. 10. Comm. in Luc. c. xxii.**

**RANSFER** a me cálicem istum : quasi homo mortem recusans, quasi Deus sententiam suam servans. Opórtet enim



mori nos saeculo, ut resurgamus Deo : ut juxta divinam sententiam lex maleditionis resoluta in terrae limum naturae fine solvatur. Quod autem ait : Non mea voluntas, sed tua fiat ; suam ad hominem retulit, Patris ad Divinitatem. Voluntas enim hominis temporalis, voluntas Divinitatis, aeterna. Non alia voluntas Patris, alia Filii. Una enim voluntas, ubi una Divinitas. Disce tamen Deo esse subiectus, ut non quod ipse vis eligas, sed quod Deo scias esse placitum. Tu autem.

*R.* Veni in altitudinem maris, \* Et tempestas demersit me. *V.* Salvum me fac, Deus, quoniam intraverunt aquae usque ad animam meam. — Et tempestas. *V.* Jube, domne, benedicere. *Bened.* Divinum auxilium maneat semper nobiscum. *R.* Amen.

*Lectio viii.*

**D**E INDE verborum ipsorum proprietatem consideremus. Tristis est, inquit, anima mea. Et alibi : Nunc anima mea turbata est valde. Non ergo suscipiens, sed suscepta turbatur. Anima enim obnoxia passionibus, Divinitas libera. Denique spiritus promptus, caro autem infirma. Tristis autem est non ipse, sed anima. Non est tristis

sapientia, non divina substantia, sed anima. Suscepit enim animam meam, suscepit corpus meum. Non me fecerit, ut alius esset, et alius videretur. Tristis videbatur, et tristis erat, non pro sua passione, sed pro nostra dispersione. Tu autem.

*R.* Intret in conspectu tuo oratio mea ; \* Inclina aurem tuam ad precem meam. *V.* Quia repleta est malis anima mea, et vita mea inferno appropinquavit. — Inclina aurem. *Gloria Patri.* Inclina aurem. *V.* Jube, domne, benedicere. *Benedictio.* Ad societatem civium supernorum perducatur nos rex Angelorum. *R.* Amen.

*Lectio ix.*

**D**ENIQUE ait : Percutiam pastorem, et dispergentur oves gregis. Tristis erat quia nos parvulos relinquebat. Caeterum quam constanter se morti obtulerit consequentia declarant : quandoquidem quaerentibus occurrat, turbatos confirmavit, trepidos provocavit, Proditorem osculi dignatione suscepit. Nec illud distat a vero si tristis erat pro persecutoribus suis, quos sciebat immensis sacrilegii poenas daturos. Et ideo dixit : Transfer hunc calicem a me. Non

quia Deus, Dei Filius, mortem timebat : sed quia nec malos pro se perire volebat. Tu autem.

*Hymnus*  
*SS. Ambrosii et Augustini.*

**T**E Deum laudamus : te Dominum confitemur.

Te aeternum Patrem omnium terra veneratur.

Tibi omnes Angeli, tibi Coeli, et universae Potestates,

Tibi Cherubim et Seraphim, incessabili voce proclamant :

Sanctus, Sanctus, Sanctus Dominus Deus Sabaoth.

Pleni sunt coeli et terra majestatis gloriae tuae.

Te gloriosus Apostolorum chorus,

Te Prophetarum laudabilis numerus,

Te Martyrum candidatus laudat exercitus.

Te per orbem terrarum sancta confitetur Ecclesia.

Patrem immensae majestatis,

Venerandum tuum verum, et unicum Filium,

Sanctum quoque Paraclitum Spiritum.

Tu Rex gloriae, Christe.

Tu Patris sempiternus es Filius.

Tu, ad liberandum suscepturus hominem, non horruisti Virginis uterum.

Tu, devicto mortis aculeo : aperuisti credentibus regna coelorum.

Tu ad dexteram Dei sedes, in gloria Patris.

Judex crederis esse venturus.

Te ergo, quaesumus, tuis famulis subveni : quos pretioso sanguine redemisti.

Aeterna fac cum sanctis tuis, in gloria numerari.

Salvum fac populum tuum, Domine, et benedic haereditati tuae.

Et rege eos, et extolle illos usque in aeternum.

Per singulos dies benedicimus te.

Et laudamus nomen tuum in saeculum : et in saeculum saeculi.

Dignare, Domine, die isto sine peccato nos custodire.

Miserere nostri, Domine : miserere nostri.

Fiat misericordia tua, Domine, super nos, quemadmodum speravimus in te.

In te, Domine, speravi : non confundar in aeternum.

## AD LAUDES.

*V.* Deus, in adiutorium meum intende. *R.* Domine, ad adjuvandum me festina.

Gloria Patri et Filio et Spiritui sancto. Sicut erat in principio et nunc et semper, et in saecula saeculorum. Amen. Laus tibi, Domine, Rex aeternae gloriae.